



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-599-13/18
Datum: 06.04.2018.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 06.04.2018.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU
o izboru najpovoljnijeg ponuđača**

I

Najpovoljnija ponuda za radove u predmetu nabavke "Izgradnja ambulante u Piljužićima, Općina Tešanj" po cijeni bez PDV-a od 67.522,67KM (slovima:šesdesetsedamhiljadpetstotinadvadesetdvije i 67/100 konvertibilnih maraka) odnosno sa PDV-om u iznosu od 79.001,52KM (slovima:sedamdesetdevethiljadajedna i 52/100 konvertibilnih maraka) je ponuda Tehno-Promet doo Zenica.

II

Ponuda je dostavljena u Konkurentskom zahtjevu za dostavljanje ponuda (zajednička javna nabavka Općina Tešanj i JZU Dom zdravlja Tešanj) koji je objavljen na Portalu javnih nabavki dana 19.03.2018.godine pod brojem: 375-7-3-58-3-33/18, kriterij za dodjelu ugovora je najniža cijena.

III

Obavezuje se izabrani ponuđači da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponude ponuđača Bara doo Tešanj i Inter doo Tešanj, odbacuju se kao formalno neispravne.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Postupak javne nabavke za radove "Izgradnja ambulante u Piljužićima, Općina Tešanj" pokrenut je Odlukom o pokretanju postupka broj:02-49-1-599-2/18 od 07.03.2018.godine. Odabran je Konkurentski zahtjev za dostavu ponuda (zajednička javna nabavka Općina Tešanj i JZU Dom zdravlja Tešanj), koji je objavljen na Portalu javnih nabavki dana 19.03.2018.godine pod brojem: 375-7-3-58-3-33/18, procijenjena vrijednost javne nabavke bez PDV-a je 68.500,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda ponuđača Bara doo Tešanj, ponuda Inter doo Tešanj, Tehno-Promet doo Zenica i ponuda ponuđača Nedjing doo Tešanj.

Komisija za javne nabavke imenovana rješenjem Općinskog Načelnika broj:02-49-1-599-5/18 od 29.03.2018.godine izvršila je dana 06.04.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 2 (dvije) ponude formalno ispravno (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Svi ponuđači su dostavili dokumentaciju kojom dokazuju preferencijalni tretman domaćeg. Komisija je izvršila rangiranje prihvatljivih ponude prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da su za radove predmetne nabavke najpovoljniji ponuđači kako slijedi:

1. Tehno-Promet doo Zenica
2. Nedjing doo Tešanj

Komisija je kod ocjene ponuda takođe utvrdila da:

Ponuda Bara doo Tešanj imala je grešku u Obrascu za cijenu naime obraza za cijenu koji je korišten u ponudi nije sadržavao sve stavke iz Obrasca za cijenu koji je bio sastavni dio tenderske dokumentacije i nije sadržavala Izjavu potpisanu i ovjerenu od strane ponuđača da će u roku, na način i u formi kako je propisano tačkom 5.4. tenderske dokumentacije ugovornom organu dostaviti Garanciju za uredno izvršenje ugovora, a koja je tražena tačkom 5.4.1. tenderske dokumentacije;

Ponuda Inter doo Tešanj ne sadrži Izjavu potpisanu i ovjerenu od strane ponuđača da će u roku, na način i u formi kako je propisano tačkom 5.4. tenderske dokumentacije ugovornom organu dostaviti Garanciju za uredno izvršenje ugovora, a koja je tražena tačkom 5.4.1. tenderske dokumentacije;

Ponude ponuđača Bara doo Tešanj i Inter doo Tešanj su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačene, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-599-12/18 od 06.04.2018.godine), da se u predmetu javne nabavke radova "Izgradnja ambulante u Piljužićima, Općina Tešanj", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača Tehno-Promet doo Zenica odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljnija izabrana je ponuda ponuđača Tehno-Promet doo Zenica, sa cijenom bez PDV-a u iznosu od 67.522,67KM (slovima:šesdesetsedamhiljadpetstotinadvadesetdvije i 67/100 konvertibilnih maraka) odnosno sa PDV-om u iznosu od 79.001,52KM (slovima:sedamdesetdevethiljadajedna i 52/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x4,
2. JZU Doma zdravlja Tešanj,
3. Služba za društvene djelatnosti i investicije općine Tešanj,
4. Web stranica općine Tešanj, elektronski,
5. Predmet.



OPĆINSKI NAČELNIK
Mr.sci. Suad Huskić